



73
4332



保 4382 卷



喫茶問答

予一時選左右置伺察官雖非

祖先之法聊且有所為後之議論可知

也故託藩人茶話以見微意云

問者曰公之責越訴也以不由市鄉游徼故

命六下而予愈惑丁未冬某鄉人有投匿名告狀於二三大夫之門者

言辭甚諂如媚竈者乃搜得之責諭具至如是則游徼擁威權而

君德或虧夫游徼之設為密偵下情也其有

明治十四年青宮
野村胡堂氏贈

威權非密之義也。故其命之也亦密之。要使
人不知其誰某焉。而後可以察下情。可以摘
伏。不亦可乎。

答者曰。左右之職。膳宰。姑舍。諸同僚有采。左
右有局。雖亦近習。非唯命之從已。假令命之
密而又密之。使人不知之。其出入無時。屏語
移晷。如專寵者。則得無同僚之疑邪。疑則妬
妬則不和。公雖則愠。如其不和。何哉。方其時。

獨有封事達其意耳。然既非其官。則亦不得
不密之。密之則惟恐人見。譬如男女相思。以
書私通。慙慙時月之久。不得不發露焉。於是
機事竟不成也。游徼顯命。豈以此邪。予聞
泰安公密擇命伺察者。不使人知焉。是或然
然使其獨乎。則緩急不辦。使其多乎。則亦終
泄耳。

問曰。游徼之不密。命既聞命矣。其入里正家

也揚揚。問疾苦亦揚揚。予恐里正村長將牢顧望不肯盡言。况編戶民豈能吐露情實乎。不如微服潛行。託漁獵以偵察。則郡官地官保長保副得失曲直無所不知也。敢問不為此何也。

答曰。如此獨察下情則可也。至於決功罪行賞罰風言不一。何以得取。故不微行。問曰。游徼微行徧察下民之情狀。郡官未逮

知者亦能親賞罰焉。則民之說上猶大旱得雨。今之揚揚者予恐仁聲不及彼焉。答曰。微行偵察賞罰互舉善則善矣。予恐賞罰或偏。非為政之大體也。有人於此能事親游徼聞之。公賞之。則必使司郡實其事。司郡實其事而不得。則必請所聞。請而不得。則議遂寢矣。否則濫賞耳。亦猶司郡之情乎。賞猶如此。况於罰乎。

問曰。敢問司郡之情何如。

答曰。夫司郡有佐有屬。各治其職而無敗事。若有不由屬佐屬耳於細民而信之者。召其屬曰。某處有孝子慈孫。將賞之。某處有無賴惡少。將罰之。廉實必得。屬佐廉而不得。則將曰。無之。彼將曰。必有。屬佐將請曰。告者為誰。從廉必得焉。乃司郡亦不得斥其細民徒執中耳。故古者官人必於朝與眾共之也。於是

乎無濫賞濫罰。公之顯命游徼亦必以此故。微行偵察。獨察下情。則可至於決功罪行賞罰。則不可。

